

Presentacion buki di Segundo Guerra mundial

ORANJESTAD – E buki ‘Aruba in de Tweede Wereldoorlog’ lo wordo presenta 7 di mei pa 7’or na Archivo Nacional Aruba.

E ta un iniciativa di Archivo Nacional Aruba y Fundacion Amigononan di Archivo. Nan ta extende un invitacion na e pueblo di Aruba en general, historiadonan en particular pa asisti na e presentacion di e buki aki.

Jos Rozenburg, e autor di e buki aki mes ta describi su buki: “Dit boek vertelt het onbekende, maar fascinerende verhaal van de Tweede Wereldoorlog op en rond de Antilliaanse eilanden”. E buki aki ta un culminacion



di ocho aña di investigacion cu el a haci personalmente na varios archivo, entre otro na Archivo Nacional Aruba, y tambe na Den Haag, Merca y Alemania. E ta contene 269 pagina, consistiendo di diesun capitulo y dos anexo. E ta splica e añanan di guerra, e pasado di cada victima di guerra, e mapanan di guerra cu tur e eventonan rond y riba e islanan. Ayera sr. Rozenburg tambe a bishita Aruba su gobernador pa entrega un ehemplar di su buki.

Grafnan di Guerra

E autor a traha como Hoofd Operatie bij de Commandant Zeemacht in het Caribisch gebied, staciona na Parera, Corsou entre 2005–2008. Tambe durante e tempo ey e tabata Consul pa e Fundacion encarga cu “Grafnan di

Guerra”. Den e añanan prome e tabata patruya cu frecuencia rond di nos islanan riba diferente barco di e Marina Hurlandes. Awor e ta trahando na e Ministerio di Defensa na Den Haag.

E charla otro siman ta wordo presenta den cuadro di e meta principal di Archivo Nacional Aruba, esta pa salvaguardia e historia y memoria di Aruba, den forma di documentonan, potretnan y historia oral (riba video/audio). “Tambe nos rol importante ta pa educa nos bishitantenan riba nos pasado y alabes stimula historiadonan pa haci nan estudionan sacando informacion di nos archivonan, cual hopi biaha ta resulta den un bukinan, rapportnan, proyecto pa scol of video/film”, e instancia ta splica. □

